

南龍續志卷十二例目

條例

學校志 試院書院 義學附

從前科舉時代學額若干名學田若干設學官幾員學政試院在何所書院幾所地址何在膏火何從取資何人所修何時所廢均細察

目錄

試院

書院

義學

例目

十九

學校志

試院書院 義學附

舊志學制紀之甚詳後未變更無事可述惟試院書院以及義學自兵燹後悉燬無存嗣經官紳銳意規復已為燦然大備可謂有廢具興矣時至今日雖已掃廢亦宜分別詳載以見文教振興所從來久也續試院書院

試院

興義府試院在舊東門內回亂被燬光緒十五年知府鄒元吉重修按吾郡試院規模宏闊甲於天下嗣經回亂焚燬僅存號舍數楹

試院書院

洎事平知府陳廷樞略為修葺遠不如前光緒十五年知府鄒元吉建議修復仍如舊例借所屬州縣暨附試之普安廳合力籌貲共得銀壹萬陸千兩有奇重行建造幾復舊觀迨至科舉廢考試停年久失修屋漸頹敗民國元年府城兩議會朱煥章張德銘等議辦中學咨請官廳就試院基址改建業經庀材鳩工從事修築旋以吾郡改制無人附學獨力難支遂行中輟近聞八屬同鄉在省商決仍以就此合辦中學為宜議有減規行將舉辦吾其拭目俟之矣

書院

文峰書院在舊北門內同治十三年知府陳廷樞改建按舊有書院回亂焚燬所遺基址亦改教堂同治十三年知府陳

廷樑就府經歷署舊址改建講堂齋舍都計二十九楹名曰文峰以示與舊之梳峯珠泉有所區別也光緒三十二年知府李祖章改為中學堂三十四年知府陳鴻年改為高等小學堂至今仍之

義學

興義府義學凡九舊有六回亂被燬同治十三年知府陳廷樑復設新建三光緒十五年知府鄒元吉增設

按舊有義學六均在城內嗣經回亂悉燬無存同治十三年知府陳廷樑修復如舊光緒十五年知府鄒元吉以義學均在城內而鄉間竟無一所未免偏枯貽人口實耳乃於人烟繁盛之區增設三所一在城北三十五里之普坪一在城北八十里之屯脚一在城西四十五里之馬鞭田并為延師教授以惠童蒙鄉間有學自

試院書院

二十一

此始今皆改為國民學校矣

又按科舉時代試院所以取材書院所以成材義學所以育材典至重法至嚴也明代創之清代因之數百年間才俊輩出豈得以為既廢而遂非之耶